

Bosna i Hercegovina  
Federacija Bosne i Hercegovine  
Unsko-sanski kanton  
**OPĆINA BUŽIM**  
**OPĆINSKI NAČELNIK**

Broj: 02-04-262-11/26  
Bužim, dana 23.04.2026.godine

Na osnovu člana 64. stav (1) tačka b), člana 28. i člana 70. stavovi (1), (3) i (6) Zakona o javnim nabavkama („Sl. glasnik BiH“ broj: 39/14, 59/22 i 50/24), člana 8. stav (2) tačka d) Pravilnika o uspostavljanju i radu Komisije za nabavke („Sl. glasnik BiH“ broj: 103/14 i 49/23), te člana 123. Statuta Općine Bužim („Službeni glasnik općine Bužim“ broj: 12/15), a na Preporuku Komisije za nabavku broj: 02-04-262-10/26 od 22.04.2026.godine, u postupku javne nabavke –Vršenje usluga podrške i tekućeg održavanja NOVA programskog paketa, Općinski načelnik je donio:

### **ODLUKU** **o izboru najpovoljnijeg ponuđača**

#### **Član 1.**

Prihvata se ponuda ponuđača „ITNERIS“ d.o.o. Tuzla br. 05-04-AS-P/2026-01 od 20.04.2026.godine za nabavku usluga u pregovaračkom postupku bez objave obavještenja – Vršenje usluga podrške i tekućeg održavanja NOVA programskog paketa sa ponudenom cijenom od 9.600,00 KM bez PDV-a, odnosno 11.232,00 KM sa uračunatim PDV-om.

#### **Član 2.**

Izabrani ponuđač se obavezuje da u roku ne dužem od 5 (pet) dana od dana zaprimanja ove Odluke dostavi originale ili ovjerene kopije dokaza o ispunjavanju uslova u skladu sa datom izjavom iz člana 45. stav (1) tačka a), b), c) i d) Zakona o javnim nabavkama, ukoliko iste nije dostavio u sastavu ponude.

#### **Član 3.**

Prijedlog Ugovora o nabavci dostaviće se na potpis izabranom ponuđaču u skladu sa članom 72. i članom 98. Zakona o javnim nabavkama BiH.

#### **Član 4.**

Ova Odluka objaviće se na web stranici Općine Bužim ( [www.opcinabuzim.ba](http://www.opcinabuzim.ba) ), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav. (6) Zakona o javnim nabavkama.

### **Obrazloženje**

Općinski načelnik je dana 25.03.2026.godine donošenjem Odluke o pokretanju postupka javne nabavke broj: 02-04-262/26 pokrenuo postupak nabavke usluga podrške i tekućeg održavanja NOVA programskog paketa, putem Pregovaračkog postupka bez objave obavještenja o nabavci sa jednim ponuđačem, uz objavu Informacije o pregovaračkom postupku bez objave obavještenja o nabavci na Portalu javnih nabavki BiH broj: 1119-4-2-21-20-1/26 dana 25.03.2026.godine.

Pozvani ponuđač/kandidat "ITINERIS" d.o.o. Tuzla je dana 26.03.2026.godine sa Portala JN preuzeo Tendersku dokumentaciju za fazu pretkvalifikacije (Faza I - Poziv za učešće). Krajnji rok za dostavu Zahtjeva za učešće i pretkvalifikacione dokumentacije bio je 02.04.2026.godine do 12:00 sati.

Na prvom sastanku Komisije za javne nabavke, prilikom otvaranja Zahtjeva za učešće dana 02.04.2026.godine, Komisija je utvrdila da je na protokol kao blagovremen zaprimljen Zahtjev za učešće i pretkvalifikaciona dokumentacije ponuđača/kandidata "ITINERIS" d.o.o. Tuzla.

Nakon izvršenog otvaranja zaprimljenog zahtjeva za učešće i pretkvalifikacione dokumentacije, Komisija za javne nabavke je pristupila analizi dokumentacije, u smislu provjere njene validnosti, s obzirom na iskazane zahtjeve ugovornog organa u tenderskoj dokumentaciji za fazu pretkvalifikacije, odnosno pregledu dokumentacije u skladu sa procedurama i pravilima utvrđenim tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila da dostavljena kvalifikaciona dokumentacija i zahtjev za učešće ponuđača kandidata „ITINERIS“ d.o.o. Tuzla ispunjava tražene kvalifikacione uslove, odnosno zahtjeve ugovornog organa tražene tenderskom dokumentacijom za fazu pretkvalifikacije.

Komisija je, na osnovu navedenog, prihvatila Zahtjev za učešće ponuđača „ITINERIS“ d.o.o. Tuzla, zaprimljenu 01.04.2026.godine, kao prihvatljivu te dala preporuku Ugovornom organu da donese Odluku o kvalificiranosti ponuđača „ITINERIS“ d.o.o. Tuzla.

Dana 03.04.2026.godine Općinski načelnik je donio Odluku broj: 02-04-262-5/26 o kvalificiranosti ponuđača u pregovaračkom postupku bez objave obavještenja o nabavci za nabavku usluga podrške i tekućeg održavanja NOVA programskog paketa, kojom je Zahtjev za učešće ponuđača/kandidata "ITINERIS" d.o.o. Tuzla i kvalifikaciona dokumentacija ocijenjena kao formalno-pravno prihvatljiva.

Nakon donošenja Odluke o kvalificiranosti ponuđača, ponuđaču "Itineris" d.o.o. Tuzla je putem Portala JN omogućeno preuzimanje Tenderske dokumentacije za izradu početne/inicijalne ponude – Faza II zajedno sa pozivom za dostavu početne/inicijalne ponude kao i sudjelovanje u pregovaračkom postupku bez objave obavještenja o nabavci.

Krajnji rok za dostavu početne/inicijalne ponude bio je 14.04.2026.godine do 11:00 sati.

Komisija za javne nabavke je kroz Zapisnik o pregledu i ocjeni inicijalne ponude od 13.04.2026.godine konstatovala da je zaprimljena jedna ponuda od „ITINERIS“ d.o.o. Tuzla, broj ponude: 05-04-AS-P/2026 od 08.04.2026.godine te da je ponuda blagovremena.

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila da je dostavljena dokumentacija tražena tenderskom dokumentacijom za fazu broj 2 Poziv za dostavljanje početnih ponuda.

Komisija na osnovu navedenog predlaže Ugovornom organu da shodno Tenderskoj dokumentaciji pozove ponuđača „ITINERIS“ d.o.o. Tuzla na pregovore o cijeni.

Obzirom da je pristigla početna/inicijalna ponuda ispunjavala formalno-pravne uslove, odnosno zahtjeve ugovornog organa tražene Tenderskom dokumentacijom, Komisija za javne nabavke je pristupila fazi pregovora sa ponuđačem "ITINERIS" d.o.o. Tuzla.

Dana 14.04.2026.godine, putem e-maila, poslan je Poziv na pregovore broj: 02-04-262-7/26 od 14.04.2026.godine za dan 16.04.2026.godine u 12:00 sati.

Dana 15.04.2026.godine ovlašteno lice ispred ponuđača „ITINERIS“ d.o.o. Tuzla, direktor Alma Suljetović dostavila je putem e-maila izjavu da se ponudena cijena u početnoj ponudi smatra i konačnom cijenom.

Općina Bužim kao ugovorni organ je na Portalu JN učinila dostupnom Tendersku dokumentaciju za izradu konačne ponude – Faza III, koja sadrži Poziv za dostavljanje konačne ponude, Obrazac za konačnu ponudu, Obrazac za cijenu konačne ponude kao i Nacrt Ugovora (Aneks 1, 2 i 3).

Ponudač je bio dužan preuzeti TD za izradu konačne ponude-III dio sa Portala JN BiH i dostaviti traženu dokumentaciju (konačnu ponudu) najkasnije dana 21.04.2026.godine do 12:00 sati, na protokol ugovornog organa.

Dana 20.04.2026.godine ponudač "Itineris" d.o.o. Tuzla je ugovornom organu kao blagovremenu poslao konačnu ponudu sa ponudenom ukupnom cijenom nabavke u iznosu od 9.600,00 KM bez uračunatog PDV-a.

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila da je konačna ponuda ponudača "ITINERIS" d.o.o. Tuzla formalno-pravno ispravna te da ispunjava uslove, odnosno zahtjeve ugovornog organa tražene Tenderskom dokumentacijom za izradu konačne ponude – Faza III.

Zatim je Komisija za javne nabavke pristupila razmatranju finansijskog dijela konačne ponude ponudača "Itineris" d.o.o. Tuzla, te je izvršena računska provjera dostavljene konačne ponude i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Komisija za javne nabavke je ocijenila konačnu ponudu ponudača "Itineris" d.o.o. Tuzla kao prihvatljivu za ugovorni organ sa stanovišta procijenjene vrijednosti nabavke, te jednoglasno dala preporuku Općinskom načelniku da donese Odluku o izboru najpovoljnijeg ponudača "ITINERIS" d.o.o. Tuzla, za pružanje usluga podrške i tekućeg održavanja NOVA programskog paketa putem pregovaračkog postupka bez objave obavještenja, sa ukupnom cijenom nabavke u iznosu od 9.600,00 KM bez uračunatog PDV-a, odnosno 11.232,00 KM sa uračunatim PDV-om.


#### **POUKA O PRAVNOM LIJEKU:**

Protiv ove odluke može se izjaviti žalba najkasnije u roku od 10 (deset) dana od dana prijema ove odluke. Žalba se izjavljuje URŽ-u putem ugovornog organa u pisanoj formi direktno, elektronskim putem, ako je elektronsko sredstvo definirano kao način komunikacije u tenderskoj dokumentaciji, ili preporučenom poštanskom pošiljkom u dovoljnom broju primjeraka, a koji ne može biti manje od tri.

Obrada: Nedžad Kudelić, dipl.ecc.

Dostaviti:

1. Ponudaču: „Itineris“ d.o.o. Tuzla (putem e-maila),
2. Web stranica općine Bužim,
3. Arhiva.



**U ime ugovornog organa  
Općinski načelnik**

**Mersudin Nanić, dipl.ing.inf.**